



Siverth K. Heilmann

UPA 2024/69-1

Atassut

23. April 2024

**Nunatta imartaani angalasut tamarmik EPIRB-mik, piumasaqaatitut, peqalernissaat anguniarlugu Naalackersuisut naalagaaffimmut saaffiginnissuteqarnissaat pillugu Inatsisartut aalajangiiffisassaattut siunnersuut.**

(Inatsisartunut ilaasortaq Doris Jakobsen Jensen Siumut)

Siullermik inatsisartuni ilaasortap Doris J Jensen Siumut, qulaani qulequtarineqartumut siunnertaanut qujanaq, imatullu naatsumik Atassummiit oqaaseqarfigissavarput.

Siunnersuuteqartoq ilumoorpoq, ukiut tamaasa misigineqartartoq, imartatsinni ujaasinerit ilaatigullu ajunaarnermik kinguneqarajuttartoq.

Nammineq politiit angallataani aammalu ukiorpaalussuarni politiit atorfeqarninni sinerissap qanittuani avataanilumi ujaasinerpassuarnut annaassiniarnernullu peqataasarsimavunga. Taamanikkut umiatsiaararsortut amerlaqisut VHF-seqanngilagut.

Tikinngitsoortoqartillugu imminut ilisimaareqatigiinnerput sumukarajuttuuneq, anorilu sumut sammiveqarnera aallaavigalugu, ujaasinerit eqqoriaanerit atorsimaqaagut iluatsitsisarlutalu. Aasaanera ukiuuneralu avataani ujaasinerit ilungersunarsinnaasaqaat. Pisariaqarfiinilu helikopterit aammalu sinerissami sakkutuut umiarsui ikiuuttarnerilu qujanartaqaat.

Imaaniinnangitsoq nunami ujaasinerpassuit nalaattarsimavagut. Taamaattumik ukiuni kingulliunerusuni atortorissaarutit atugaaleriartorerisa kingunerisaanik, malunnaatilimmik qangamut sanilliullugu ujaasinerit ikilnikooqaat. Aap atortorissaarutit imaani nunamilu angalasuugaanni qujanaqisumik pigineqalernikuupput, taamaalilluni ilaqtutaniik angalasut malinnaavigineqarsinnaalerlutik.

Imaani angallannermi pingaartumillu angallatit anginerusuni isumannaallisaanermut piunasaqaatit piunasaqataanerisa kingunerisaanik atugaallualernikuupput.

Taamaattorli siunnersuuteqartup siunnersuutaanut tunngavilersuutigineqartut Atassummiit paasil-luarlugit nalilersuinissaq isumaqatigalugu, ataatsimiititaliamut susassaqartumut suliap aappassaa-neerreqartigani suliareqqaarneqarnissaa innersuukkusuppassi.

Qujanaq.